

BASES REGULADORAS PARA A SELECCIÓN DE ÁREAS DE COÑECEMENTO PARA A CONVOCATORIA DAS PRAZAS CORRESPONDENTES AO 15% RESERVADO PARA PERSOAL INVESTIGADOR NAS OFERTAS DE EMPREGO (OEP) DA UNIVERSIDADE DE VIGO. CONVOCATORIA 2023

1. Obxectivo

A presente convocatoria ten como obxectivo a realización dun proceso selectivo para a selección de áreas de coñecemento nas que se convocarán prazas de profesorado permanente reservadas para a estabilización de persoal investigador. En concreto, convocaranse prazas de profesorado Titular de Universidade nas áreas de coñecemento correspondentes aos candidatos seleccionados segundo o procedemento establecido na presente convocatoria.

2. Número de prazas

Convocaranse **quince** prazas de profesorado Titular de Universidade.

3. Requisitos das persoas solicitantes

Para seren admitidas neste proceso selectivo as persoas aspirantes deberán presentar a súa solicitude dentro do prazo establecido, e posuír os seguintes requisitos na data de remate do prazo de presentación de solicitudes:

- a. Dispoñer da acreditación da ANECA como **Profesor/a Titular de Universidade**.
- b. Dispoñer da acreditación I3
- c. Ser ou ter sido investigadoras/es posdoutorais dalgún dos programas recoñecidos ou equiparados nas convocatorias I3 e que a data de finalización do mesmo sexa anterior ao 1 de xaneiro de 2023 (sen considerar as prórrogas consecuencia da pandemia do COVID-19).
- d. Ser ou ter sido durante polo menos dous anos persoal investigador distinguido a tempo completo Universidade de Vigo.
- e. Non ter avaliación negativa na convocatoria correspondente ao seu contrato.

Non poderán participar aquelas persoas que finalizasen voluntariamente a súa relación contractual coa Universidade de Vigo e/ou leven un ano sen dita relación contractual antes da data de remate do prazo de presentación de solicitudes

4. Avaliación e selección

Delégase na Comisión Académica e Profesorado (COAP) a selección das áreas de coñecemento para a convocatoria, unha vez aplicadas estas Bases entre as persoas que cumpran os requisitos sinalados, e a creación das prazas correspondentes.

Se o número de solicitantes é superior ao de prazas dispoñibles, o procedemento de adxudicación será o seguinte:

- En primeiro lugar adxudicaranse as prazas, na categoría solicitada, ás persoas que consigan proxecto na convocatoria de axudas para incentivar a consolidación investigadora 2022.
- As prazas restantes adxudicaranse aos solicitantes con acreditación a Profesor/a Titular de Universidade seguindo a prelación marcada pola data de dita acreditación.

Si se producira un empate, este resolverase seguindo os seguintes criterios:



- 1- A corrección da maior infrarrepresentación de xénero dun departamento da Universidade de Vigo.
- 2- En caso de igualdade no criterio anterior, maior antigüidade na Universidade de Vigo.
- 3- En caso de igualdade no criterio anterior, maior idade.

Quen sexa solicitante terá un prazo de 5 días hábiles para formular as súas alegacións, a partir do día seguinte á publicación do acordo provisional.

Resoltas as reclamacións ou alegacións, a COAP fará público o acordo definitivo. Este acordo farase efectivo sempre que as persoas seleccionadas soliciten a transformación da súa praza a profesorado Titular Interino, aprobada polo departamento. De non facelo, seleccionariánse as áreas seguintes que correspondan, unha vez aplicadas estas Bases.

5. Formalización de solicitudes e procedemento

As solicitudes presentaranse a través da sede electrónica da Universidade de Vigo no seguinte enderezo <https://sede.uvigo.gal/> mediante unha instancia xenérica SXER, e co asunto ***“Selección de Áreas – Oferta Pública Empleo”***, sen prexuízo de que tamén poida presentarse nos lugares indicados no artigo 16.4 da Lei 39/2015, do 1 de outubro de procedemento administrativo común das administracións públicas, e deberán acompañarse da seguinte documentación:

- Formulario de solicitude, cumprimentado segundo o modelo anexo.
- Copia da certificación da acreditación da ANECA como **Profesor Titular de Universidade**.
- Copia da certificación I3.

A publicación no rexistro xeral da Universidade de Vigo dos actos que integran este procedemento servirá de notificación para todos os efectos, de acordo co previsto na Lei 39/2015. Simultaneamente publicaranse na páxina web institucional da Universidade de Vigo.

O prazo de presentación de solicitudes será do **25 de xaneiro ao 9 de febreiro de 2023**.

